

癸

巳

類

稿

臺灣府屬渡口考

福建之海門戶爲閩安爲海壇泉州府北崇山環抱南接金門
廈門西南至廣東之香山其南則大洋金門廈門之東南洋爲
澎湖三十六島澎湖西爲娘媽宮東過洋爲臺灣臺灣在福建
辰巽方東北自雞籠山西南至沙馬碇凡千九十四里與福州
興化泉州漳州四府相直自澎湖往水程四更自廈門往十一
更其山脈發福州之鼓山自閩安越白吹洋關撞山至雞籠山
自雞籠山蔥翠層疊而南山南北峙泛海者以雞籠爲準則也
山中番族百四十有奇人無姓依婦以居山田植薯芋甘蔗山
有識屨草一節則一年一颺汎無節則其年無颺颺大具風也
其人文身黑齒言語不通中國其居日圍如覆船番有生熟熟
番屬中國號中國曰唐閩粵與東南洋語皆自稱曰唐習也熟

番畏生番每出捕鹿收芋蔗啣嘶而歌大意言願出行不遇生番然遇生番則盡力殺之無蠱法解詛咒婦人皆知之咒樹木立死山之西平壤或十里或五十里今府地也淡水廳東北有噶瑪闐彰化縣東有埔里社西面地肥沃南濱七鯤身最險迤北過安平鎮南汕爲鹿耳門又北爲北汕青鯤身南鯤身鹿仔港迤而東北至淡水港北淡水港對閩安中鹿仔港對蚶江南鹿耳門對澎湖臺灣門戶也後鹿仔港淤改由海豐港卽五條港小水口則雞籠山西至淡水城五中隔諸番社又西南至嘉義水口三十又南至臺灣縣八又東南至鳳山二又東南至沙馬碇五中八里坌對五虎門亦門戶也又山後烏石港加禮遠港皆東而海與山前三大港皆設稅其他小者或不通舟澎湖西有紅溝黑溝臺灣北爲萬水朝東船入之直趨東洋南爲南

風氣直趨南皆大溜海水各有界各有所注色不用其落際最險水勢旋轉湖水不能入潮高水下潮下水乃高船入之旋轉不已幸不沒伺潮消長與深平時破急溜而出也沙馬碕西對海爲小琉球山當澎湖之南隋大業中虎賁將陳稜一至澎湖東向望洋而返宋謂之毘舍那國見馬端臨通考毘舍那則生熟番也元置巡司於澎湖明初內徙其民棄澎湖地宣德時閩使入洋東至臺始知之謂之臺員見周嬰東番記亦謂之北港天啟二年高文律援澎湖總兵俞咨皇用間移之於北港見顧祖禹讀史方輿紀要泉州澎湖島嘉靖四十二年俞大猷逐海寇林道乾道乾逃入雞籠山旋又遁去琉球人居之萬厯時海寇顏思齊逃入臺文報始稱臺灣思齊引倭屯之而琉球東去萬厯末荷蘭紅毛人自西洋來欲據香山不可則據澎湖又不

可乃南據美洛居及葛留巴以鴉片煙誘葛留巴葛留巴人俱
靡靡不敢動役於荷蘭既而荷蘭聚集精銳攻香山戰敗揚帆
東走至澎湖使人行重賄於福建巡撫援意大里亞人居香山
故事以求澎湖必得巡撫使人善諭之則投日本歲納鹿皮三
萬求臺灣五市地適日本人居臺灣者新奉天主教遂許之築
赤嵌城以居今安平鎮是也荷蘭既得地卽數數與日本構爭
日本既染其教爭不勝盡屬東去憤甚盡誅其人之習天主教
者並約束琉球而荷蘭據有臺灣置歸一王亦不復東天啓初
乃西擾澎湖及廈門四年福建巡撫遂取澎湖其東臺灣旣自
古聲教不及不悉其址故籌海圖編無其名明尙以爲外荒也
鄭芝龍者閩人也爲日本壻家於臺灣日本之東歸也芝龍以
舟楫人衆橫於海崇禎元年降明明南渡封南安伯領水師鄭

氏之令北自京口南至漳唐王隆武南徙鄭氏遇之於浙輔而立之其所據泉州興化漳州汀州邵武惠州潮州

大清順治三年芝龍自安平奉表降以之北行其子成功本名森唐

王時賜改成功逃入海據泉州之金門廈門八年舟山平魯王朱以海

航海走至金門成功奉之十一年沈魯王十八年入京口窺江

寧敗而無所歸也徜徉海中者數月乃決計盡力攻臺灣荷蘭

人方守鹿耳門鹿耳門水大漲成功舟浮而上荷蘭大驚徵辭

於成功成功曰吾無他求此我家舊地還我子女玉帛汝悉載

以去荷蘭人思之終日不敢戰退保平安鎮成功環山列營塞

山水源固之既又焚其舟師遂去而伺於噶留巴臺灣人猶有

習其教者曰教册成功則盡除之鄭氏既有臺灣名之曰東都

值耿氏開藩福建海禁弛乃招徠客民漳泉惠潮習水者趨地

利泛海寄居地遂富庶聲勢遙連金門廈門康熙元年成功死
其妻董氏與衆立其子錦二年荷蘭自噶留巴遣出海王以師
助中國取金門廈門既而耿逆反錦尾耿逆後取漳泉諸郡陟
東都曰東寧承天府運米內渡相持三四年臺地空乏及耿精
忠降諸郡以次收復錦走據金門廈門以爲臺援十八年二月
荷蘭以夾板船來助攻錦偵知之分兵破其衆荷蘭遁去錦旋
死二十二年施琅克金門廈門取澎湖進兵至鹿耳門不得入
泊海中十二日潮不至舟師得安忽大霧潮長鹿耳門水大漲
舟師浮而入錦子克塽曰昔先人得臺灣鹿耳門漲以爲天助
今復然舟師浮而入

皇帝天威不可抗也遂降收其地以承天府置臺灣府北爲淡
水廳南天興州置諸羅縣承天置臺灣縣萬年州置鳳山縣西

爲澎湖廳立文廟鼓鑄用臺字鄉試用至字編卷三十年以臺

灣人文盛罷試卷別編例後仍用至字號

道光八年臺地粵籍士子以非福建戶籍

於鹿港試闈中

另編田字號卷康熙五十五年南北兩路生番納貢雍正二年

分諸羅北爲彰化爲縣四乾隆五十二年改諸羅爲嘉義五十

三年生番入朝移鳳山縣治於牌頭以舊城爲興隆里嘉慶十

二年復鳳山舊城十六年於淡水廳東北三貂嶺外蛤好關五

圍設噶瑪關通判編客民四萬二千九百餘丁及番族立樹城

東北至巖巖嶺爲界臺灣俗以寄籍分黨沿積習械鬥故易曠

聚中更朱佑龍劉却朱一貴吳福生林耀楊光勳林爽文莊大

田蔡牽之亂皆削平朱一貴以康熙六十年四月僭號永和六

月鹿耳門水漲施世驤藍廷珍自南澳濟師討平之林爽文莊

大田以乾隆五十一年十一月僭號順天以卯月爲正國諸羅

柴大紀拒之黃仕簡由廈門進鹿耳門任承恩由蚶江進鹿仔港徐鼎士由閩安進淡水港五十二年常青恆瑞由五虎門進鹿耳門藍元枚進鹿仔港諸羅圍不解而南路鳳山旋復放失冬海蘭察自廈門福康安自崇武港俱至鹿仔港賊女軍師金娘方臨陣誦咒持妖術助戰而降番莊錫舍執以來歸遂擒爽文又南獲大田賊平

頒右旋白螺於閩督署督撫將軍提督過海則佩之五十二年十一月二十一日

旨也後仍繳進嘉慶十年冬十一月二十三日海盜蔡牽自稱鎮海王擾鳳山浙江提督李長庚自寧波抵鹿耳門十一年正月賊逸去二月以大利益吉祥右旋螺交賽沖阿帶往渡洋六月賽沖阿督各路師追之賊復返置大舟於鹿耳門而去蔡牽

在海中欲從海東入烏石港取噶瑪闐地地在淡水廳山後去淡水城五百里乾隆時已漸墾四月設兵備之十二年朱濟又謀由海東蘇澳入竊五圍南地禦却之漸籌設屯十六年九月乃定設噶瑪闐廳於是臺灣兼山東山西地初鄭克塽降衆議守澎湖內徙臺地人民而棄其地施琅曰是資荷蘭也力持不可及平朱一貴衆議以副將守臺灣而置總兵於澎湖則臺灣有所制藍廷珍爭之乃定今制臺灣兵一萬四千餘皆內地標兵抽撥泛海更戌初以臺地沙土浮鬆不時地動且海外初置郡縣故以樹爲城承平久人心固定始築土石城而淡水廳爲竹城噶瑪闐廳在五圍地九芎樹城也嘉慶十七年冬至日

澳門紀略跋

嘉慶壬戌春始讀澳門紀略愛其奇偉甲子冬張徵君炯以重刊本見貽昔嘗伏讀

聖祖仁皇帝康熙五十五年十月辛亥

聖訓云朕訪聞海外有呂宋噶囉巴兩處地方噶囉巴乃紅毛泊船之所呂宋乃西洋泊船之所彼處藏匿盜賊甚多壬子

聖訓云海外如西洋等國千百年後中國恐受其累此朕逆料之言伏惟思患豫防

聖人善教海外臺灣荷蘭日本互爭卒入郡縣版圖澳門則佛郎機意大里亞荷蘭先後窺伺而意大里亞於明萬歷九年入居於澳二十九年荷蘭薄澳崇禎十年又薄廣州荷蘭恃巨礮大船意大里亞仿其礮製被之今澳中十月夷人禮鬼逐紅毛

與西藏逐牛魔王同蓋以爭所居地深怨而實畏之皆掌故地
海盜之起必有窩綫呂宋實佛郎機噶囉巴實荷蘭又安南廣
南向亦畜盜自底滅亡此數國者遠隔重洋辛苦遠戍其用意
甚深既錄得官書四裔考又讀高拱乾及余文儀臺灣府志陳
倫炯海國聞見錄及此澳門紀略而深惡意大里亞及荷蘭荷
蘭既并淳泥噶囉巴又與佛朗機分瓜哇美洛居又與意大里
亞分地荷其垂涎臺灣靖海紀已昌言之其屢窺澳門有迹而
又畏意大里亞遏其前佛朗機躡其後已見於乾隆八年及十
年之師前同知印君光任張君汝霖所以籌畫之者甚詳惟其
事散見非深思者不能得其條理也荷蘭夾板船此書言有商
船戈船二種其製尤備高拱乾臺灣府志述廣南札船破夾板
船式嘗錄出之與四裔考廣南傳合此書及明史言佛朗機取

呂宋以牛皮惑之高志言荷蘭取臺灣亦然荷蘭之據臺也初
養盜後敗於盜凡海上警非盜使外夷卽外夷使盜此可佯爲
不知不可竟不知也荷蘭之屬爲淳泥爲噶囉巴爲瓜哇爲英
吉利爲瑞爲璉佛朗機之據澳也奉釋教後改奉天主教不十
年澳門遂爲意大里亞所有此二事最可寶貴意大里亞久假
澳門順治時乃遂置兩王於此

今天子明聖撫外夷有道不過以澳門爲天文生客館耳且事
久難驟更以西洋之互爲窺伺知此書必不可廢徵君爲同知
張君令子論世知大體因書其大要而歸之嘗與徵君言澳門
南有十字門二重其真爲天主教窟穴乎抑澳門終如臺灣爲
民居設重鎮西洋人船行避十字乎久之必有定也嘉慶丙寅

冬十一月

冬月續稿

卷九

七求日道齋

左山考

山東通志山川志云曹縣左山在縣東二十里卽左城也又名

左岡左邱明父墓在焉曹州府志山川志云左山在曹縣西北

六十里相傳爲左邱明父墓曹州志

此曹州未升府時卽今荷澤縣

輿地志云

左山在州南五十里山南有舊州治古蹟志云魯太史左公墓

在左山邱明父墓也案驗左山方位通志誤矣今荷澤宋爲乘

氏曹縣宋爲濟陰俱屬興仁府府爲五代曹州舊治卽濟陰則

今曹縣城西北左山之西南古城是也唐傳異記云濟陰郡東

北六里左山有龍興古寺可以相證濟陰城隋置在左山右太

平寰宇記濟陰云左岡在縣東北五里以其近左城也今通志

於曹治亦云山在東不悟城隍東徙執簿尋求迷軌獨矣先是

北魏置西兗州治定陶水經濟水過定陶縣南又東北荷水東

出又東逕魏冉冢南又東北逕定陶共王陵南注云世謂之左城亦名之曰葬城則左城由在魏定陶之左今左山東北舊城也左城之名由魏定陶城定之左城有定陶恭王陵左山則有慎到墓宋陳師道披雲樓記云古陶西南有山圖記謂之南右山州人所謂南魯太師慎到之墓又云慎到墓今名左山太平寰宇記則左岡與南右山各列云南右山在縣西南四里誤以古陶西南入濟陰西南虛增一山也金大定末濟陰治東北徙七十里明洪武元年又西北徙七十里二年定今治左山遂在治西後人不得名左之義遂以左墓當之府志陵墓志之言謂左山左公墓有宋盛琳撰碑通志亦同琳碑既絕不見而明天順五年大明一統志兗州府時曹屬充陵墓下則云魯太史墓在定陶縣陶邱之上葬魯太史左邱明之王父有宋盛琳碑是琳並

不言邱明父也追尋舊文言左墓者亦並不言邱明祖萬歷三十八年曹縣知縣錢達道登左山記云考之邑乘春秋左太史瘞骨此山故以山屬之左左山者緣左史而得名也又萬歷舉人郭文英左公廟碑記云州治之南四十餘里靈聖湖迤南有土隆然一邱號爲左山不知始於何代州誌則謂邱明之墓蓋周良史云是萬歷以前州誌邑乘又以爲邱明墓其廟創始萬歷亦止以祀邱明今通志府志秩祠左公祠下並云宋崇寧元年呂希哲希能有寶乘塔題名不悟明人造廟而引宋人他處題名納入之殆不可通也寶乘塔者隋仁壽二年於濟陰法源寺建塔五級藏定光佛舍利六顆宋慶歷時復詔修之賜名寶乘皇祐五年知濟陰縣錢明逸作左山興化寺寶乘塔碑銘詳敘其事其說左山止云曹州左山時治山右名義易知絕無及

左公者陳師道披雲樓記云左山下多左姓故名其時左姓人亦無言邱明者明人當徙治後疑於左山名義州志縣志改太師爲太史遂倏然以左山爲左邱明墓一統志以濟南肥城時屬濟南既載邱明墓則以曹州左山屬之邱明王父今通志府志見其互異則又斟酌遠近屬之邱明之父使邱明三世寄名慎到墓下其作僞之迹不可掩也

左邱明墓考

肥城東平嶧曹皆言有先賢左邱明墓方志多岐何以核其實也肥城本漢地里志泰山郡縣東漢省入盧其東平國富城益分其地北魏則肥城地俱入富城孝昌三年始復置肥城唐省之半入平陰半入乾封元史地里志東平路平陰云至元十二年以縣之辛鎮寨孝德等四鄉分析他屬明年改寨爲肥城肥城有元抹罕遺愛碑云至元十二年割平陰之沙溝等五鎮孝德四鄉復置肥城縣時案圖記平陰縣東南三舍有古肥城得之牛山南因址建城元史地里志濟寧路肥城云至元十二年以平陰辛鎮寨東北十五里古城改設今縣是也水經汶水注云泌水西南流逕肥城縣故城南泌卽今城南肥水今縣城卽漢城元人蓋據水經知此水經注又云泌水自肥城故城又西

南過富城則魏富城治在今治西南魏富城本漢肥城地魏書
地形志東平郡富城注云有富平城卞城武強城左邱明冢魏
富城爲今肥城邱明冢見古籍者以魏書爲始冢在肥城佳證
一矣通志建置志云魏孝昌三年置肥城古蹟志云後周置肥
城建置古蹟並云唐省入乾封此則疎也富城地唐時東北入
乾封西南入平陰水經濟水注引京相璠云平陰齊地在濟北
盧縣故城西南十里南去防門三里太平寰宇記長清縣云盧
城在縣南五十里今長清治遷於宋治東北十里則京相璠所
言盧城當在今長清治南六十里水經釋地云盧城在今長清
南十五里是不知徙治又倒讀寰宇記平陰縣志云盧故城在
縣東北七十里長清境內其迤西南十里正今肥城西北境內
爲唐平陰治唐元和郡縣志平陰縣云左邱明墓在縣東南五

十五里應在今縣西南地佳證二矣通志建置志云唐省入乾封宋省入平陰此又疎也宋乾封改奉符不得云省其肥城之南地在平陰則仍唐舊太平寰宇記云鄆州平陰縣本漢肥城謂其治爲肥城地又云隋開皇時置榆山縣大業二年移於今里改名平陰則宋平陰治始隋大業時一與唐同又云左邱明墓在縣東南五十五里亦與元和志合佳證三矣明天順一統志二十二濟南府陵墓云左邱明墓在肥城西南二十五里蓋五十五誤刊字檢肥城志云縣西南五十五里肥河鄉都君莊有左邱明墓都君莊者通志云舜居此成都處鄒平成君啟洸至衡魚得元正覺寺碑讀之文作都軍蓋古屯練處今莊名衡魚肥水亦曰衡水也邱明墓依古籍在今肥城審矣東平州志則疑左墓在其境內不悟魏東平地大非今州地也太平寰宇

記沂州永縣云左邱明墓在縣東北七十里與鄆州平陰墓並
列宋永縣東北地當在今嶧縣元干欽齊乘云左邱明墓在嶧
州東北七十里又云平陰復言有左邱明墓意右嶧墓而宋以
前無徵明一統志二十三兗州府陵墓云左邱明王父墓在定
陶縣陶山曹州志明萬歷時錢達道登山記引邑乘云春秋
左太史瘞骨此山郭文英左公廟記引州誌云左山邱明墓山
東通志曹州府志舊曹州志皆云左山爲左邱明父墓案左山
爲慎到墓其旁左城爲定陶恭王墓左山在濟陰城左故名左
明移曹治而山在治右後人不得左山名義改慎墓以當之志
乘之蹟迹如此烏可據以亂肥城邱墓也

俄羅斯佐領考

八旗通志旗分志云鑾黃旗滿洲第四參領之第十七佐領係康熙二十二年以尼布綽地方取來鄂羅斯三十一人及順治五年來歸之伍朗格里康熙七年之宜番等編爲半個佐領卽以伍朗格里管理後二次又取來鄂羅斯七十人遂編爲整佐領伍朗格里故以其子羅多理管理羅多理故以大學士馬齊管理今以豐伸濟倫管理謹案此卽今承恩侯尚書恭阿拉所管理之佐領也八旗通志初集亦言順治五年俄羅斯伍朗各里來歸康熙七年依番等來歸此皆自拔來投者

平定羅利方略云康熙二十二年四月羅利殺斐雅喀居民留慢書而去七月甲申瑪拉等送所獲羅利五人又送三十六人至京四高考亦云二十二年羅利之衆有過黑龍江者降其兵

目三十餘人此卽通志所言之三十一人方略又言南岱攜至羅剎二人則四裔考遺之

聖祖仁皇帝聖訓榮遠人云二十二年九月乙未戶部議奏羅剎歸順吉里郭里等應交與正白旗編入佐領下壯丁少者

上曰羅剎歸順頗多應令編爲一佐領鑲黃旗之佐領蓋自

欽定也薩布素傳云康熙二十二年投誠羅剎宜番鄂噶圖席圖頌吉里戈里鄂佛那喜等酌給官職案方略十一月癸未

上諭云宜番近投驍騎尉岳噶圖席圖頌及新投誠之吉里戈

里岳佛那西馬克西木俱授七品官其新投誠內之岳佛那西

費禮普令馳驛至薩布素處酌遣招撫四裔考云遺降番宜番

米海羅莫海對往諭誤也宜番未嘗與米海羅等同往招撫方

略云二十三年正月薩布素令宜番等往諭卽以招撫米海羅

等二十一人送京安插是米海羅等投順卽送京也方略又云是年七月獲羅利一人曰費岳多羅送京安插熱河志二十三年十二月十六日

上諭於恒滾等處之俄羅斯許其歸順待以不死而生養之是也二十四年三月獲羅利噶瓦力刺等七人逸去一人五月破雅克薩城巴什里等四十人願降此則通志所言後二次之七十人也七月羅利又遣裔番等四人誘我俄羅春被獲旋縱之歸羅利名衣番者衆非卽康熙七年來歸之宜番也熱河志二十四年六月十四日

上諭雅克薩困迫已甚而後歸降宥其罪釋之使還是也四裔考云二十四年七月釋衣番等四人歸國語無原委覽者惑焉其噶瓦力刺等六人亦於進兵時放之還南岱鵲壘之二人亦

已縱歸方略載噶瓦力刺供詞所謂前敵回之輩已送往國
主處是也計所獲順治五年一人康熙七年宜番等二十二年
三十三人二十三年二十四年七十二人而遣歸者十二人總
得羅剎近百人居東直門內胡家園衚衕其姓氏源流則八旗
氏族通譜皆不載也嘉慶十一年三月

俄羅斯事輯

俄羅斯在黑龍江四部喀爾喀雅爾左右哈薩克圖理雅斯科北西至荷蘭英吉利海又南抵務魯木居國也其先起於右哈薩部西鄙其人曰羅利亦曰藥殺當南北朝魏太和時羅利始立國曰俄羅斯其人用天主教欲殺佛佛遇惡物奇怪輒以羅利名之羅利地小聲名文物皆不著傳七百餘年部人漫衍至西海由怛羅斯城以北至計由居焉蒙古太宗時諸王莽賚叩擊奇卜察克進兵攻俄羅斯降之元末諸王外鎮者勢離析羅利內亂俄羅斯部長伊番瓦什里玉持乞援於其國西北之西費雅斯科而割國西之那爾瓦城賂之而自立爲汗其國凌強明嘉靖時南滅庫程汗阿斯坦拉汗遷其人於阿爾泰山北遂南與韃靼瓦剌鄰東曰西畢爾斯科接合黑龍江喀爾喀西曰

喀山斯科接雅爾哈薩克圖理雅斯科自伊番瓦什里玉持汗
二十二傳至額勒克舍靡汗羅費持都莫斯克窪斯科是爲察
罕汗最強盛有大斯科七日莫斯克窪斯科日計由斯科日思
瑪廉斯科日佛羅尼使斯科日郭羅多阿爾哈連斯科日西畢
爾斯科日喀山斯科斯科者若中國省治府城一斯科所屬小
斯科數十柏興數百柏興若縣治也其地東西北三面臨海廣
三萬餘里山川城郭人物畜牧種植五方風氣部類別處羅衛
與中國同其書橫行自左而右東合拉提諾西合托忒烏珠克
而轉譯蒙古清漢文崇禎時雅爾額什爾努拉之土爾扈特和
鄂拉勒克汗惡綽羅斯特越哈薩克投俄羅斯察罕汗指喀山
額濟勒河之南圖理雅斯科之東哈薩克之北馬努託哈無城
郭地與之使爲藩部時

太宗文皇帝大兵方定黑龍江索倫達瑚拉及使馬使鹿兩部
俄羅春東北際海爲自古疆域所不及而俄羅斯亦東南喀地
奪雅克薩尼布楚地樹木城居之兩師相值各罷兵旣又南向
侵擾布拉特烏梁海奪四佐領崇德四年

大兵再定黑龍江毀其木城歸而未議置戍也俄羅斯旣富庶
互市例人至其國市者則衛藏以西沙章汗愛烏汗其外市則
西至安集延伊犁哈密喀爾喀東至黑龍江秋高馬肥被罽捆
貨而至面白微賴高準采鬣毳紅氈帽油鞞帳居者布列黑龍
江西岸地其植麥種自西域來爲麩潔白性宜人人物甚都雅
而數與我爭邊境

世祖章皇帝順治十一年於黑龍江征之十五年調高麗兵征
之又數遣大臣督兵皆以餉不至半途返順治十二年十七年

俄羅斯兩附貿易商人至京城者奏書於

世祖而絕不及邊界事康熙初又屢用兵十五年貿易商人尼果賴等至

聖祖仁皇帝召見之

賜察罕汗書論邊界事而察罕汗久之未荅也二十一年定策屯田大出師征之收其人及火器編其人爲佐領隸

京師鑲黃旗滿洲二十三年薩布素刈取雅克薩縱城中羅刹歸以船載歸二十四年五月甲申我師拔雅克薩縱城中羅刹歸去而二十五年正月俄羅斯復來城之我師往爭俄羅斯人以死守不肯去是年荷蘭使至聞其事曰俄羅斯西臨西洋我鄰國也

聖祖命作書付荷蘭轉達之而額勒克舍靡汗羅費持亦於是

年卒額勒克舍靡汗羅費持孫子有一女曰票多額勒克舍雅費持素烏雄爲女子時習戰鬥宮中以兵爲戲經略布武無有敵者嗣父察罕汗位是爲察罕散丕特里普爾汗亦曰叩肯汗其國言男曰叩女曰叩肯也叩肯汗既卽位究尼果賴事案地圖曰

中國皇帝仁聖且限以行國我西北西費雅斯科西南圖理雅斯科雖小部近肘腋所當爭也九月乃遣書中國議和二十六年七月使至塔爾喀圖舍圖汗境文書往返二十八年十二月丙子定邊界以額爾古納河爲界歸我雅克薩尼布楚定市於哲卜尊丹巴胡圖克圖之庫倫而磨崖刻會議七條滿漢拉提諾蒙古俄羅斯五體字於黑龍江之吉爾巴齊河東岸其漢字則行書也秋議定則遣使索那爾瓦城於西費雅斯科不與以

兵征之盡并其地數千里以已名名之曰散丕特里普爾斯科而遷都之於是其國大斯科凡八七道置噶噶林守之都城置大臣四總八道之治又索阿藻城於圖理雅斯科控噶爾汗控噶爾汗不與則盡奪其阿藻東北地前後用兵二十餘年國中駁甲不少解當徵土爾扈特攻西費雅斯科謂土爾扈特無用用以壯觀而已綽羅斯特汗噶爾丹之擾喀爾喀也揚言假俄羅斯兵六萬又火器手六萬至喀爾喀大驚二十九年五月癸丑

聖祖諭其商人馳告疆吏無助亂其時俄羅斯方西向用兵故無南侵意也三十三年其使自土魯番哈密來入嘉峪關互市時爲立館於京城中玉河橋西定三年一互市來者不得過二百人以八十日爲期三十五年噶爾丹爲我師所困求救於俄

羅斯俄羅斯不肯應噶爾丹遂亡五十年土爾扈特使由俄羅斯至五十一年五月

聖祖使圖理琛等往報之道出俄羅斯經西畢爾喀山兩斯科往返行三年以五十四年三月歸繪圖呈

御覽又爲異域錄數萬言記兩斯科東西所經又言其國北界夏至無夜其汗二十七年元日乙丑當康熙五十一年十二月十六日二十八年元日辛未當康熙五十二年十一月二十七日我康熙五十二年閏五月俄羅斯則每歲十二分分二十九三十三十一日歲在三百六十六日上下也我使過境時察罕汗命邊臣厚禮之又遣兵護我使歸旣而汗卒亦立其女自是其國皆傳女雍正五年八月復與我議喀爾喀以北自楚庫河以西沿布爾毅特山至博穆沙畢戴嶺爲界而定市於恰克圖

時俄羅斯方攻西藏西南五千里之務魯木以其地尙佛請於世宗憲皇帝遣人至中國學喇嘛以通蒙古使命兼學蒙古接骨大夫年滿替換遂爲例六年遣子弟入國子監讀書於滿漢助教各派一人教之居於舊會同館其衣服飲食由理藩院給發乾隆十九年土爾扈特使由俄羅斯入貢二十一年九月至熱河二十二年我師定西域凡俄羅斯人逃在伊犁者皆察出送還而逸賊阿睦爾撒納逃入俄羅斯患痘死

高宗純皇帝命理藩院移文俄羅斯撒納特衙門使送賊二十三年正月俄羅斯出其尸於恰克圖公驗之四月厄魯特舍楞害我副都統唐喀祿而逃於俄羅斯察罕汗受之以屬土爾扈特我使索之又不與

高宗怒嚴新疆喀倫絕恰克圖貿易自博羅伊察格圖喀倫至

尼布楚南七百里澤倫岡喀倫測北極東西相去二十六度以東則黑龍江舊界西爲哈撒克外藩而舍楞於三十六年誘俄羅斯土爾扈特全部趨伊犁時俄羅斯與圖理雅斯科兵爭圖理雅斯科以其先控噶爾汗失地故背俄羅斯不朝貢俄羅斯征之屢戰屢捷而土爾扈特逃俄羅斯收其地馬行東西三十日南北二十日改建他藩不復問土爾扈特所往土爾扈特至伊犁喀倫計蹙歸順諸大臣皆以納俄羅斯屬部是興兵端也高宗命理藩院移文撒納特告以伊犁本我地舍楞乃我叛人論以大義而遂受之俄羅斯亦無他言四十四年開市五十四年復以納我逃人閉關嚴大黃出界之禁五十六年土爾扈特喇嘛撒馬林僞造俄羅斯書誘土爾扈

論理藩院移問之撒納特衙門言僞書用印兩顆鈐蓋不合式

又非邊界頭目鈞記且請通市

高宗察其誣許通市時叩肯汗第七傳矣俄羅斯於中國不遣正使皆貿易人來附請

大皇帝安中國亦因其人答之嘉慶十年今汗遣正使來至邊界議禮不合而返今汗者始以男汗治俄羅斯地遠禮別使命不至

皇上亦置不問也

述曰俄羅斯之不見於史也蓋有故元史地理志河源附錄後西北地名僅有阿羅思三字而丁酉歲之師又謂之幹羅思則明初人得之元遺臣者時俄羅斯方漸起故不能詳也其大也在明中葉明方與韃靼瓦剌日構兵其款塞不過緩兵趨市苟且旦夕固不能如漢唐西域北庭置都護校尉中外往來可以

從容垂訊西北遠國卽商人至邊境亦不過以尋常賈胡視之
其不知之也固宜非是其人自古未嘗一至漠南也俄羅斯地
大人衆天氣和藹如中國故亦有花痘之證惟沙漠行國趁涼
者無之蓋居國皆如此也俄羅斯有火器

平定羅刹方略言康熙二十三年正月十一日我師抵雅克薩
以其烏鎗歸絕域紀略云邏車國所遇皆檀烏鎗黑龍江外紀
言其納藥箭中凹凸如梅花式鮫碯亭集畫雅薩樂府注言其
國精火器異域錄言圖理琛入其境伊國具鎗礮旗幟以迎土
爾扈特又借之以衛我使者今雅克薩城有康熙時獲俄羅斯
礮三位則言俄羅斯無火器者非也

聖祖仁皇帝文集云噶爾丹揚言假俄羅斯火器兵攻喀爾喀
豈得舉其所無以自敗哉康熙六十年俄羅斯人來言其地去

北極二十度以上爲北海堅冰凝結人不能至

聖祖以爲始信東方朔記北方層冰千尺冬夏不消之言不謬
是其國已極北而或以其西南屬國之控噶爾汗謂在俄羅斯
北且謂控噶爾能征俄羅斯又以女汗有男侍俗間小說遂謂
我使侍衛碩託與其汗訂十八條議於枕席之上其說皆佻謬
且亦安得有十八條議哉土爾扈特之來歸也實由舍楞唆搶
伊犁俄羅斯故置之不收迨至無可柰何而歸順我豈能拒之
使必致死於我俄羅斯始聞其搶我伊犁寇發自彼不能止之
及其歸順則又望我興數百萬師徒盡執土爾扈特數十萬人
送還之無是理也故我於俄羅斯不爲納其屬部俄羅斯於我
亦非絕置屬部於不言其勢固有所難言也乾隆二十三年閉
關三十六年土爾扈特始來四裔考次之二十六年又云三十

年開闢外間小說遂謂二十年後以土鹵扈特嫌絕不與通指
擬失旨此其落落大者故詳考事實著於篇峇於故實此庶近
焉

緬甸東北兩路地形考

雲南地十四府四州三廳省治西南七百九十里曰元江州西

南千二百三十里曰普洱府西一千一百五十里曰順寧府西

千二百里曰永昌府永昌虎蹕天馬二關外爲緬甸緬古朱波

也在唐爲驛園長三千里廣五千里西北連東天竺東有今省

西北麗江大理屬土司地兼野人番獯怒夷朱日緬元時其國

東至大理西北直成都中國不測其地方幾千里也明初置宜

慰使司嘉靖時孟養滅之後復興東并木邦孟良南并洞吾北

并孟養孟密孟拱其人得榜普濟洞吾濼古等十種又以力

制諸土司勢大熾號九萬里

蓋安語見天啟六年正月雲撫閩學洪疏

萬歷中劉綎

兵至其阿瓦城巡撫陳用賓又約暹羅夾攻之緬降立入關曰

萬俛曰神護曰巨石曰銅壁曰鐵壁口虎踞曰天馬曰漢龍

國朝順治十五年明桂王朱由榔及沐天波走永昌十六年正月走騰越二月至巖木河入緬界自置莫舟行達井亘五月緬人虞由榔於阿瓦市赭磴白文選走木邦李定國走耿馬搃孟緬滅孟良據之沅江土知府那嵩起兵與之應我師滅沅江十七年文選以桂王拘於緬思出之自木邦興師越錫箔攻阿瓦新城將破矣爲緬所給退兵再攻不能克走孟良會定國是時嬰三桂在雲南忌明有後語於

初滅山榔以蘇明局移檄緬甸使送山榔十八年三桂師至孟卯三月擲發班師五月定國文選會攻阿瓦造船於上游緬人燒之時其酋莽孟自弒兄自立國未定欲借外兵鎮壓之暗結三桂九月三桂帥師由騰越取道南甸騰川孟卯至木邦分兵出孟定之姚關十一月由鎮康孟定會木邦定國走景線文選

據錫箔江三桂一晝夜馳三百餘里至錫箔江橋斷結筏以濟
文選走茶山分兵追之至孟養次選降三桂自帥大軍至舊挽
坡去阿瓦僅六十里緬人請兵遂進次蘭鳩江蘭鳩江去阿瓦
僅十里其上游則騰越西之戛鳩江也戛鳩至老官屯下流六
日卽阿瓦莽孟白以之熏轅其大臣以舟送山御出時十二月
朔也三桂奏凱還康熙元年四月三桂殺山御於是我典屬所
收永昌府南孟定等地數千里爲土知府三宜撫司五安撫司
三又收普洱府南車里等十三土司地出七百五十里外乾隆
十五年緬王莽達頰入貢受瑞輯西琛額十九年莽達賴與得
楞錫箔等構兵爲所殺木梳酋長養藉牙因有其國養藉牙死
子孟曆立孟曆死弟孟駁立棟阿瓦木梳孟密孟養孟拱孟良
木邦大古喇等十三路最南近海爲洞吾古喇北路爲孟密孟

密之西爲孟養北爲孟拱孟密之蠻暮新街老官屯爲阿瓦運
鹽及通市中國地直虎踞關外其東路爲木邦爲孟艮孟艮所
屬爲整欠孟勇整控大孟養

有香伯城

諸地在耿馬土司袞龍江南

地勢稍平由阿瓦東北行過來卡卓落至大山宛頂再三日則

永昌西南孟卯土司也莽者緬之孟艮路也緬言君長曰莽紀

故孟艮長亦曰莽莽女曩占嫁赭陞緬自古利宴古利宴者其

先中國人從明桂王沒於緬緬單字還音號爲桂家者也二十

三年曩占勸之起兵攻襄藉牙取而逃於外土司孟連孟連取

古利宴孤弱凌之曩占怒二十八年秋塘滅孟連而自歸於中

國永昌府知府楊重毅與武弁謀由言蠻反討平之遂置古利

宴於極典以邀功曩占駭痛逃歸孟艮三十年孟艮酋長孟容

爲其姪召散所拘時孟毅新立召散據孟艮而孟容子召丙逃

入孟遮召散迨之破孟遮三十一年並撥普洱府南九龍江撥
撥場諸土司當是時邊報警苦民一口數徙皆曰莽子來也是
日莽匪我師滅之召散逃歸阿瓦我檄索之不與我師征孟良
巖占旣怒永昌又浪徇欲緝得罪

天朝遣使乞濟師緬命木邦助之木邦亦莽也以莽復孟良諸
土司軍報題以木匪在事諸臣憤憤不知其卽緬甸也旣而木
邦叛緬緬滅之巖占所滅孟連其土司曰刀派先者逃入中國
自供緬之支裔守臣不以入告至是緬匪以兵求索孟連

高宗命復訊之始知莽匪木匪皆緬匪遂定議征緬阿瓦先後
在事者劉藻楊應琚劉德成哈國興同華封朱崙李時升趙宏

榜等收復諸土司又收普洱南車里外孟良整欠孟勇整賈景

線六本景海順寧南孟連孟帶永昌南孟有耿馬元江西南孟

龍補哈新土司繳外地四五十里入版圖又收緬北野人三十
二年木邦大山蠻慕亦內附我師進駐新街於是緬地十三路
亡其三勢急遣使議納款而又別遣兵入犯欲脅和我師出鐵
壁關緬卽北行闖入萬仞關與我師相尾滋擾永昌騰越之閒
無寧日旋又陷新街蠻莫我師退居銅壁關緬請權罷兵互市
不許我師進復新街蠻莫壓緬而軍而緬復東陷木邦在事諸
臣皆惶懼

廠旨詰問則皆奏報失次於是易帥以承恩公明瑞爲總督別
寧爲巡撫而明瑞帶將軍印木邦參贊珠魯訥從將軍由錫箔
攻東路北路參贊額爾登額分兵由猛密自老官屯勦會阿瓦
將軍白木邦入過曰小破蠻結過革隆山之天生橋至宋賽而
因宋賽爲賊柵最嚴處屢攻之不克貴州卒王連者騰上肉薄

拔其柵衆進逆拔其十六柵守之而總兵索柱失天生橋柵自
登結趨木邦木邦軍偵參贊自剄死北路軍至老官屯無陸路
不能入退至旱塔時屯糧於宛頂接應將軍而木邦路不閉內
土司俱被擾有緬兵北路師至孟卯南行路不達折而東南行
赴將軍將軍既不能入又不得兩參贊信取道孟弄東退總那
亥孟籠象孔大山趨木邦又不達則繞孟腊至宛頂緬匪則萃
木邦盤結旱塔之衆於宛頂三十三年正月將軍力戰受重傷
自縊死按察使楊重英於木邦被遮居於緬寺五月將軍柩至

京

高宗以額爾登額徒欲自全師以出可以謝責推勁旅緩行置
將軍於度外睨視其死而陷其軍士也此謀反大逆置極典並
斬提督譚五格緬知貢禍大竭力增兵以備我使孺夷轉達書

請罷兵又附書被述官兵請和

高宗命大臣阿里衮阿桂阿思哈舒赫德等馳往經理戰備發
健銳營火器營兵四千荊州成都滿洲兵四千索倫兵三千吉
林兵一千新滿洲兵一千厄魯特鄂倫春各三百赴軍營三十
四年二月大學士公傅恒請行卽以傅恒爲經略阿里衮阿桂
爲副將軍出銅壁關討賊時野牛斯丹師亦集遂收孟養孟拱
二土司而南至新街三路師會緬來逆大敗之進至老官屯阿
桂哈圖興等又敗之緬人固守老官屯副將軍公阿里衮以疾
卒於軍經略以地險水師亦不能入也以禍福諭緬首稱目渺
茫莫報日願以兩軍適中地築壇受要約及期意變哈圖興單
騎往與之言言未畢渺茫莫已去經略又病足退居銅壁關
高宗以西師開拓二萬里不藉緬甸一隅之功且當

國家全盛之日曲赦緬罪緬亦不敢輕量中國又百餘年教養將士不忍以之嘗試毒癘也

諭經略使罷兵道經略於銅壁關見緬甸正使具陳悔畏且愧經略禮幣約入貢遂

詔副將軍伊勒圖阿桂班師還孟拱土司渾覺於關內棄關外地阿桂以定邊右副將軍留雲南經理之而緬背約不入貢不送出被遮官兵三十五年老官屯目諾爾塔移書索木邦蠻莫孟拱三土司副將軍下文書切責之緬復留我都司蘇爾相高宗以緬甸詭計知我兵限於天時地利不可深入故激我興師而坐收其利

敕阿桂於秋冬閒酌遣偏師擾其邊界使之奔命不暇於是時時小出師征緬而緬方南向用兵暹羅三十六年三月阿桂請

大舉征緬得

昔嚴飭革職以溫福代之是年金川反溫福阿桂皆赴四川置
緜匪值孟駁亦死子贊角牙立四十一年兩金川平贊角牙懼
冬請入貢送楊重英蘇爾相出求開關貿易四十二年送蘇爾
相出而楊重英不至緜甸風俗柔悍多詐其樂若唐時沒弛彌
十二曲近樂器接內兜達呼稽灣斜枯聶兜姜聶聶兜姜結莽
聶兜布其音啞嘶聞其音知其人亦其地氣盤鬱沮洳使然也
緜東爲葫蘆廣南南爲暹羅物產略同向時老官屯海鹽煙魚
足自給其象牙藤木翠羽碧砮以翡翠玉蔥玉木棉布羽毛織
布大小呢碎花洋錦碎花印花洋布糖靑及波龍老廠新廠之
銅恃雲南官采買及商販買者自用兵關閉其南海道販出價
又賤葫蘆國又以茂隆銅勝輸中國中國銅益充緬加戍東北

而力戰東南其用日緇大學士公阿桂大學士伯李侍堯馳往
履勘邊界於永昌潞江土司順寧緬寧應安守兵長坡廣岫散
漫蜿蜒則七隘八關扼其要害細益不得出入於是瘴煙黑水
之鄉人知安處而緬亦毒焰盡經用曠竭百姓愁怨矣四十七
年其酋孟魯殺贅角牙而自立國人又殺孟魯立孟雲孟雲者
登藉牙第四子少爲僧緇寺孟駁父子之事皆不與知國人立
之而值暹羅之難暹羅國踣長居經西南海其人裹人膺骨曰
望蟻騎象而戰細於乾隆三十六年滅之鄭昭者中國人也乾
隆四十三年暹羅遠民憤極無道推昭爲王乘緬匪抗拒中國
人傷財盡之後盡復舊封又興師占緬地贅角牙爲所困者屢
矣暹羅於四十六年入貢陳其事不使亦不止也四十七年鄭
昭子華嗣華亦有武略孟雲不能支乃東徙居嶺得五十一年

鄭華受

封孟雲傑五十三年由木邦齋金某表入貢送楊重英等出

高宗哀憐之諭暹羅罷兵五十五年使賀

八旬萬壽受

封爵許通使定十年一貢嘉慶十年秋暹羅貢表又言方出師

攻緬得勝

皇帝頒敕諭解之冬緬甸叩關求入貢蓋乞救也疆吏以非貢期拒不納而緬已削弱矣

述曰緬甸之猖獗也一在索土司於內地一在抗拒官兵不輸誠歸款而用兵脅和悉索財賦糜爛其人民矢大援遂爲鄰國所窺伺也嘗綜乾隆年間用兵地大如準噶爾回部險固如金川皆摧破其始皆覆育生全之及其再叛始行芟夷安南亦猶

猴與緬甸同一旦悔悟親入朝遂蒙

赦宥而卒以阻兵之故國內空虛爲粵南所并緬甸則困極然始歸命蓋初亦自念重罪不可赦故鋌而走險豈知入貢以後天朝之所以勞之來之者爲緬甸之所夢想不能及者哉故不觀於安南緬甸之撤兵不足與言安邊之

睿謀不觀緬甸安南兩次之受降不足與言不嗜殺人之

聖德與準蕩爾同部金川之自取滅亡是以求其事比而論之緬甸自古稱險阻阿瓦之蘭鳩江上爲夏鳩江亦曰大金沙江亦曰橫榔江其上游由工布逕雲南出鐵壁關瀾滄江則由察木多入雲南車里下爲九龍江出緬甸東其潞江則由衛入怒夷逕雲南永昌入潞江土司龍川江亦由喀木徑雲南漢龍關入緬其水與衛藏爲首尾老官屯者特阿瓦運鹽之道上下游

俱嶄絕乃其固不爭之險也江之東爲木邦爲孟艮江之西北
爲孟拱孟養南爲木梯阿瓦諸路由順寧永昌南孟定土府而
南至其東路由騰越西渡夏鳩至孟拱孟拱東孟密夾江而下
東北則蠻莫西南則老官屯老官屯前北路參贊及傅文忠與
緬戰處蠻莫乾隆三十四年阿文成造戰艦於此當時謂之野
人壩者也三十三年文成言其地崖險徑窄斷難行船或言蠻
莫江由新街下西流入大金沙江是桂王舟路非必容樓船大
艦也讀史方輿紀要云麓川寄箭山滇略言過此盡平地一望
數千里蕩無山溪亦無果樹是野人壩以西亦沙漠地行金沙
者至阿瓦北井梗卽陸行過者梗半日程卽達阿瓦夫阿瓦能
制孟密孟拱孟養則三路者亦必有路以達阿瓦矣誠能舍老
官屯覓路搗阿瓦亦功名之盛也劉經嘗由姚關隴川至阿瓦

而王驥追機思發僅刻石大金江邊白文選李定國吳三桂入
緬至阿瓦城下則皆由東路意以地勢易馳騁故墩用依舊驛
抄輿地考四裔考大臣傳及志狀鉤稽推排記其出入緬甸地
勢大略具矣

蓋地論

元史天文志云札馬魯丁造西域儀器廓賽依阿勒資漢言地
里志也其製以木爲圓球七分爲水色綠三分爲土地色白明
史天文志亦云西洋人言地圖按地圖古蓋地說也回回西洋
亦知之耳玉海引書緯帝驗期云西王母於大荒之國得蓋地
圖慕舜德遠來貢之自皇甫謐改作蓋地圖

見初學記引學者
謐帝王世紀

遂不通究其義周髀算經云天象蓋笠地法覆槃極下地高滂
茫四隕而下則地本圓在天中素問五運行大論云地者形虛
者精情形之動猶根本之與枝葉黃帝曰地之爲下否乎岐伯
曰地爲人之下太虛之中者也帝曰馮乎岐伯曰大氣舉之也
風寒在下燥熱在上濕氣在中火游行其間故燥勝則地乾暑
勝則地熱風勝則地動濕勝則地泥寒勝則地裂火勝則地固

月令正義引考靈曜云四表之內並星宿內總有三十八萬七千里天之中央上下正半之處十九萬三千五百里地在於中注云地厚三萬里下遊則地上畔與天中平上遊則地下畔與天中平是證地在太虛之中文字自然云樸至大者無形狀道至大者無度量故天圓不中規地方不中矩夫天誠圓中規始能運地則脩長事類賦注引姚信斷天論云兩地之說下地卽上地之根也天北行乎兩地之間耳書正義云渾天者地在天中天周於外日月初登於天後入於地天繞地明矣則渾天亦同蓋說蓋說亦有不同易晉云明出地上明夷云明入地中大戴禮曾子天圖云如誠天圓而地方則是四角之不掩也嘗聞之夫子矣天道曰圓地道曰方呂氏春秋圖道云雲氣西行云云然冬夏不輟水泉東流日夜不休上不竭下不滿小爲大重

爲輕闊道也水升雲而西迴也俱謂地止一面其謂地四面者

周髀算經云日運行處極北北方日中南方夜半日在極東東

方日中西方夜半日在極南南方日中北方夜半日在極西西

方日中東方夜半極北以極南準之此方夜半彼方日中藝文

類聚引尸子云海水三歲一周流波相薄故地動水從地下西

迴周四面也山海經云天地之東西二萬八千里南北二萬六

千里廣雅亦云然禮正義引鄭注考靈曜云地厚蓋三萬里其

疎率徑一圜三地九萬里而周亦鄭義也周末積衆人聞見人

蹟所到著於讖緯隋唐以前西域之言又與之應山海經注引

河圖玉版云從崑崙以北九萬里得龍伯國其人長三十丈崑

崙以東得大秦國人長十丈從此以東十萬里得佻人國長三

十丈五尺

初學記十九河圖
龍文云三丈五尺

從此以東十萬里得中秦國人長

一文初學記引河圖龍文云天之東西北極各有銅頭鐵額兵長三千萬丈又有金剛敢死力士長三千萬丈天中太平之都
有都甲食鬼鐵面兵長三千萬丈都甲食鬼鐵面兵卽佛說之
阿修羅佛謂之捉月羅睺一切釋音義云羅睺計都此譯云障
月明史李天經議云卽正交中交行宿今俗遂以爲怪宿然語
必循其本傳聞之謠中必有不謬者今西域阿訶國男長數丈
女如中人鳴金攻之男子逃則略其婦女以歸長阿含經亦言
修羅生女端正生男多醜則阿修羅女嫁天帝釋不足爲異而
說其人高至天能捉月與河圖言長三千萬丈同一失實河圖
言長人在東佛在西見之是交周矣佛書起世經云佛告諸比
邱若闍浮洲日正中時弗婆提洲音義云前鼻離日則始沒瞿耶尼
洲音義云多牛市一云其國有石牛日則初出鬱單越洲音義云其地爲最高正當夜半

瞿耶尼洲日正中時此闕浮洲日則始沒鬱單越洲日則初出
弗婆提洲正常夜半鬱單越洲日正中時瞿耶尼洲日則始沒
弗婆提洲正常初出此闕浮洲則爲夜半弗婆提洲日正中時
鬱單越洲日則始沒闕浮洲中日則初出瞿耶尼洲正常夜半
佛告比丘若闕浮洲所謂西方瞿耶尼洲以爲東方瞿耶尼洲
所謂西方鬱單越洲以爲東方鬱單越洲所謂西方弗婆提洲
以爲東方弗婆提洲所謂西方此闕浮洲以爲東方南北亦然
樓炭經天地成壞品云日繞須彌山東方日出南方夜半西方
日入北方日中如是右旋更爲晝夜是佛家古說依周髀謂地
圓也佛本行集經成無上道品云小鐵圍山並大鐵圍其間從
來黑暗此之日月不能令彼處光明顯赫實著鐵圍之目闕元
占經載梁武帝云四大海之外有金剛山一名鐵圍山金剛山

北又有黑山日月循山而轉周迴四面一晝一夜圍繞環而於南則見在北則隱武帝既依佛作此說其臣又承制作注武帝嘗依蓋天難渾天其以南北爲隱見金剛卽北極下蓋天義也瞿曇悉達列入天體渾宗中自病其書矣初學記引河圖云黃河出崑崙山東北角剛山東則河源之崑崙墟亦曰金剛又大

地之中亦曰崑崙卽佛說之須彌在中國西北蓋天所謂天門

在西北是也初學記引括地象云崑崙之山爲地首又云昆侖

山爲柱氣上通天昆侖者地之中也藝文類聚引龍魚河圖云

昆侖天中柱也曲禮正義引河圖括地象云地中央曰昆侖其

東南萬五千里曰神州博物志引河圖云昆侖山應於天最居

中中國在東南隅是西北昆侖並非河源太平御覽河圖始闕

圖云昆侖之賦有五城十二樓藝文類聚河圖文略同博物志

引括地象云崑崙山神物之所生聖人仙人之所集也古經史
天爲蓋天地爲蓋地史記大宛列傳云禹本紀言河出崑崙其
高二千五百餘里日月所相避隱爲光明也其上有醴泉瑤池
淮南子地形訓亦云西至三危之國石城金室飲氣之民不死
之野佛亦言須彌爲天宮佛所謂天宮貴人也河圖有括地象
爲古地理書比之佛書無不合者河圖言東佛言西非圓周乎
地平上天見其半越二百五十里而極差三百六十分天之一
天則仍見其半若地非圓更無說以通之此皆隋唐以前說札
馬魯丁之製未可謂爲創獲西洋人入中國用佛義而諱其名
其儀器本之萬年回回俄羅斯當明時已西接西海北接北海
艾儒略等職方外紀坤輿圖說又侈陳冰海若所足履目驗者
商竟不知有所謂俄羅斯至錢少詹次斯寫定地球圖說強爲

新入之然則地誠圓亦非五大洲卽五大洲亦必不如西洋人所說地之圓不圓與西洋人無涉乃世人爲皇甫謐所愚以蓋地爲益地謂舜據此作十二州不知圖名益地在肇州之先則名義不通並唐錢起蓋地圖賦亦不能解而以地圓出西洋驚懾之今學者又以地圓出西洋而漫非之無怪乎耶蘇之徒自以爲奇特也

蓋地海論

史記言鄒衍深觀陰陽消息著書十餘萬言其語闕大不經上至黃帝以爲儒者所謂中國者於天下乃八十一分居其一分中國名曰赤縣神州外如赤縣神州者九乃所謂九州也於是

有裊海環之如是者九乃有大瀛海環其外禮記曲禮正義引地統書括地象其語亦同此古蓋地說也鹽鐵論論鄒云鄒衍非聖人作怪譏惑六國之君以銷其說此春秋所謂匹夫熒惑諸侯者也論衡談天篇亦謂衍迂怪虛妄今案法言五百篇云鄒衍迂而不信問道篇云鄒衍有取乎曰自持問神篇云鄒莊有取乎曰言天地人經德也揚雄據渾難蓋故不信蓋地之論而謂其言經德自持則雜所見古儒所說名理皆與衍同非後人淺見所能及史言衍終始大聖生至黃帝學者所共述大教

隨世盛衰行言卽非經見亦必本於黃帝乾坤鑿度云易平坤道平易注云北荒平易萬里連均夫海者三分萬形經曰坎北方無海平易北荒迷遠也乾坤鑿度黃帝書也數引萬形經又云天地宜盡閻地道距水激注云天地盡有閻激之所聖人不能測度地道以水爲激激者盡也此鄒衍所謂大瀛海際天地也坎北方無海平易而古人近言四海者爾雅釋地云九夷八狄七戎六蠻謂之四海大戴禮五帝德以幽林交趾流沙蟠木爲四海古經言海者如此此鄒衍所謂禪海不必是禹貢之海合北方平易古文也凡一大國必有小部環之黃帝所治者大鄒衍所謂盛其後德衰齊秦相帝中國地小非司馬遷桓寬王充時中國也何反禁衍追述古初且衍熒惑何君諸儒詆衍遷怒妄也衍所說又與河圖合河圖云地廣東西二萬八千南

北二萬六千有君長之州有九阻中土之文德及而不治

藝文類聚

引又云昆侖山應於天最居中八十一域布繞之中國東南開

居其一分

博物志引

此衍之所據也其說又在蓋天王翬渾天象說

云周徑爲蓋天者尙不考驗而乃論天地之大日月所不照陰

陽所不至日精所不及儀衡所不測皆爲之說虛誕無徵是亦

鄒子濛海之類也

開元占經引晉天文志無

蕃是粗工安知奧義周髀算經

云極下不生萬物則人迹不到故乾坤鑿度云北方無海其二

地道距水澈澈爲水窮故鄒子云大瀛海環之則推而知之二

說通也意大里亞人言天下五洲中國喀爾喀西域回部西藏

緬甸安南琉球日本高麗烏洛侯哈薩克以至西海又南至暹

羅越洋至噶留巴呂宋蘇祿等爲一洲意大里亞亦爲一洲又

有三洲總爲五乃不知有俄羅斯儒者不信鄒衍乃信西夷

下萬物不生西夷豈能至萬形經言北方無海其是非後世必有目歷而知之者今俄羅斯言其國北距海古人不強知之云無海不害其爲博而篤惜鄒衍能言之嗚呼大賢哉鄒衍也

彌婁山鐵圍山考

維摩詰所說經佛國品云十寶山須彌山雪山目真鄰陀山摩訶目真鄰陀山香山寶山金山鐵圍山大鐵圍山黑山鳩摩羅什注云此十寶山雪山以下九圍繞須彌妙法蓮華經序品有目真鄰陀山摩訶目真鄰陀山見寶塔品有目真鄰陀山摩訶目真鄰陀山鐵圍山大鐵圍山須彌山法師功德品有鐵圍山大鐵圍山彌樓山摩訶彌樓山藥王菩薩本事品則云土山黑山小鐵圍山大鐵圍山及十寶山嶽山之中須彌山爲第一大唐西域記云蘇迷盧山唐言妙高山舊曰須彌又曰須彌婁皆諠略法苑珠林云日月所照臨處以蘇迷盧山爲中亦曰須彌亦曰迷留亦曰彌婁按此二唐僧所說未能得實須彌山亦自爲須彌婁其單言彌婁彌樓迷留者自屬目真鄰陀山言摩訶

目眞鄰陀者自是摩訶彌樓山目眞合音爲彌鄰陀合音爲樓
非須彌也維摩詰所說經言黑山大小鐵圍山在十寶山中法
華藥王菩薩品則三山在十寶山外疑是法華文誤也鐵圍山
者樓炭經天地成壞品云日月城郭繞須彌山大鐵圍山泥犁
品云有大鐵圍山復有第二大鐵圍山中問杳杳冥冥其日月
大尊神光明不能照及佛本行集經成無上道品云小鐵圍山
並大鐵圍其間從來恒常黑暗未曾見光此間日月不能令彼
處光明照耀顯赫立世阿毘曇論云大鹹海外有山名曰鐵圍
周迴三十六億一萬三百五十由旬故佛多以須彌鐵圍並言
佛說五苦章句經云百億須彌山百億鐵圍山以其名顯故極
言之鐵圍有二山須彌止一山故知彌樓摩訶彌樓是兩目眞
鄰陀不得以彌樓爲蘇迷盧之省略謂有兩須彌也須彌佛說

在地心中起世經言崑崙山爲閻浮提洲地之中心須彌山爲四洲中心鐵圍山在四大海外長阿含經言四洲地心卽須彌山海外有山卽是大鐵圍維摩詰所說經秦僧肇注言須彌山卽金剛山秦言妙高開元占經天體渾宗引梁武帝說則云鐵圍一名金剛又云金剛山北又有黑山日月循黑山而轉黑山在十寶山數晉譯方等般泥洹經北齊譯大悲經隋譯大威燈光仙人問疑經俱別列黑山今俗說黑山卽鐵圍山非也黑山雪山香山俱大山佛國所謂十寶山華嚴經二十二謂之天地十大山釋迦氏譜引西域圖經云五天竺國北洎雪山南洎大海六萬餘里又引閻浮圖云蔥嶺西據香山東南蘇亘至於蜀都此閻浮圖蓋釋家所作

由旬義

佛木行集經角術爭婚品云婆羅極又十滿也其數目溝壙秬
孩京兆億萬千百十一以微塵起一遞七乘之爲窗塵爲兔塵
爲羊塵爲牛塵爲蟻爲蝨爲芥子爲大麥爲指節爲半尺倍之
爲尺二尺爲肘四肘爲弓五弓爲杖二十杖爲息八十息爲拘
盧舍八拘盧舍爲由旬是以八千弓爲拘盧舍六萬四千弓爲
由旬唐慧苑華嚴音義十定品云三百弓爲里四里爲俱盧舍
則以千二百弓爲俱盧舍九千六百弓爲由旬立世阿毘曇論
云四肘爲一弓五百弓爲俱盧舍八俱盧舍爲由旬俱舍論云
七麥爲指節三節爲指二十四指橫布爲肘豎四肘爲弓五百
弓爲拘盧舍大唐西域記云五百弓爲拘盧舍八拘盧舍爲踰
繕耶則以五百弓爲俱盧舍四千弓爲由旬西域記又云由旬

三十里爲印度國俗正曰踰繕那其由旬由延踰闍那皆誦略放光般若經云由旬三十里根本說一切有部尼陀那注踰繕那當三十里欲令易了故有言驛之處是三說皆以三十里爲正義秦僧肇維摩詰所說經不思護品注云大由旬六十里中由旬五十里小由旬四十里翻譯名義集選云由旬三別大八十里中六十里小四十里元應一切經音義云俱盧舍者牛鳴聞五里由旬者正言踰繕那四十里是三說則至四十而極更無四十以下之說然華嚴音義云拘盧舍四里由旬三十二里又云準本行經由旬十七里餘二百八十餘步今按本行無積步之法不知華嚴音義從何置算西域記云踰繕那者自古聖王一日軍行也舊四千里印度三十里聖教所載惟十六里阿毘曇論亦云俱盧舍二里由旬十六里是由旬有六萬四千弓

九千六百弓四千弓八十里六十里五十里四十里三十二里
三十里十七里餘十六里之別魏慧覺譯賢愚因緣經須達起
精舍緣品云舍利弗言佛行日半由旬須達卽於道次二十里
作一客舍此旁出之言有屋舍相去里數最爲明證則四十里
爲的數也